

Protocolo inicial	Actualización 16/03
CENTROS RESIDENCIAIS (DE MAIORES, DE DISCAPACIDADE, XUVENÍS, DE INCLUSIÓN SOCIAL E DE MENORES)	
As visitas aos centros estarán limitadas a unha persoa visitante por cada persoa usuaria. Poderanse facer excepcións cando haxa circunstancias que así o aconsellen.	Todas as visitas aos centros quedan restrinxidas , agás en casos excepcionais debidamente autorizados pola dirección do centro.
Nos centros residenciais de maiores, de discapacidade e de inclusión social suspenderanse todos os novos ingresos durante un período inicial de 14 días.	Nos centros residenciais de maiores e de discapacidade suspenderanse todos os novos ingresos durante un período inicial de 14 días, con excepción dos casos derivados polas autoridades sanitarias .
Non se permitirán as visitas de persoas que presenten síntomas respiratorios (febre, tose ou falta de aire), ou que procedan de áreas con evidencia de transmisión comunitaria.	
Punto eliminado: Restrinxírase o acceso aos centros das persoas visitantes maiores de 70 anos. Esta medida deberá aplicarse coa necesaria sensibilidade de cara ás familias, explicando que é unha medida destinada á protección de visitantes e usuarios. Poderanse facer excepcións cando haxa circunstancias que así o aconsellen.	
Punto creado: Quedan blindados os servizos básicos ás persoas sen fogar no actual contexto de emerxencia sanitaria e, para tal efecto, a Xunta de Galicia asegurará a apertura de todos os albergues sociais para que as persoas sen fogar poidan dispor dun servizo de pernoita, extremando as precaucións na liña das recomendacións das autoridades sanitarias.	
Reforzar nos centros a difusión de información sobre hixiene sanitaria.	
Punto creado: Suspensión da actividade das hospederías das casas do mar de Vigo, A Coruña, Burela e Celeiro.	
Suspenderanse as actividades externas que supoñan desprazamento das persoas usuarias (non se inclúen citas médicas, etc) e das actividades complementarias que se realicen nas instalacións do centro con persoas alleas ao mesmo.	
Suspenderanse os permisos e saídas das nenas, nenos e adolescentes que residan en centros de protección e nos deinternamento de cumprimento de medidas xudiciais.	
Suspenderase a concesión de permisos ao persoal para asistir a congresos, xornadas ou similares.	
Habilitarase un único punto de acceso ao centro.	
Punto eliminado: No caso hipotético dun escenario agravado, adoptaranse as seguintes medidas adicionais: ◦ Limitación de todas as visitas ás estritamente precisas, ◦ No caso das que sexan ineludibles, a persoa visitante deberá acudir con mascarilla cirúrxica.	
CENTROS DE ATENCIÓN DIÚRNA (DE MAIORES, DE DISCAPACIDADE, DE INCLUSIÓN SOCIAL E DE MENORES), CENTROS OCUPACIONAIS E CASAS DO MAIOR	
Suspensión de toda a súa actividade durante un período inicial de 14 días.	
Punto eliminado: No caso específico dos comedores sociais, e co obxecto de garantir a cobertura alimentaria de toda a poboación, continuarán coa súa actividade sempre que cumpran cos seguintes requisitos: - Limitación da presenza simultánea do número de comensais a un máximo do terzo do aforo das salas destinadas a comedor; - E/ou adoptar as medidas necesarias para subministrar a comida para o seu consumo fóra do centro.	
Punto creado: Quedan blindados os servizos básicos ás persoas sen fogar no actual contexto de emerxencia sanitaria e, para tal efecto:	

- As cociñas económicas e comedores sociais deberán manter o seu funcionamento habitual, tomando as medidas necesarias para que se limite a presenza simultánea de comensais a un terzo da súa capacidade e reforzando a subministración de comida para o consumo fóra do centro. - Os centros de atención social continuada manterán a súa actividade, tomando as medidas necesarias para que se limite a presenza simultánea de persoas usuarias a un terzo da súa capacidade.	
Punto creado: Os centros de día de inclusión social suspenderán a súa actividade regular durante o período de emerxencia sanitaria, agás os servizos de mantemento da hixiene (como ducha ou lavandaría) e os servizos de "calor e café".	
CENTROS DE EDUCACIÓN INFANTIL DE 0-3 ANOS, PUNTOS DE ATENCIÓN Á INFANCIA, CASAS NIÑO, LUDOTECAS E ESPAZOS INFANTÍS	
Suspensión de toda a súa actividade durante un período inicial de 14 días.	
CENTROS SOCIOCOMUNITARIOS E OUTROS SERVIZOS SOCIAIS	
Suspensión de toda a actividade durante un período inicial de 14 días dos centros sociocomunitarios, albergues xuvenís, Espazos Xoves e as residencias de tempo libre de Panxón (Nigrán) e O Carballiño.	
Punto creado: Suspensión de todas as valoracións de dependencia e discapacidade.	
Suspensión da atención presencial aos usuarios e de toda a actividade formativa nos centros Quérote+ e dos equipos de inclusión social do Consorcio Galego de Servizos de Igualdade e Benestar.	
A actividade das unidades de atención temperá limitaranse ás terapias individuais.	Suspensión de toda a actividade das unidades de atención temperá.
A actividade dos Puntos de Encontro Familiar limitaranse ás intervencións de intercambio , suspendendo todas as visitas supervisadas e tuteladas. Estas suspensións serán notificadas ás familias e aos xulgados.	Suspensión de toda a actividade dos Puntos de Encontro Familiar.
Punto creado: Suspensión do servizo de transporte adaptado para discapacidade 065 agás para traslados con finalidade sanitaria (asistencia a rehabilitación, terapia, consultas médicas e outras cuestións de índole sanitaria).	
SERVIZO DE AXUDA NO FOGAR	
Reforzar a difusión de información sobre hixiene sanitaria.	
Extremar as medidas de hixiene e de protección para evitar posibles contaxios, tanto para persoas traballadoras como para persoas usuarias (ver o apartado "Medidas persoais de prevención").	
Ante a aparición de calquera posible positivo, contactar co 061 e seguir as súas instrucións.	